



বাংলাদেশ কারিগরি শিক্ষা বোর্ড
পরীক্ষা নিয়ন্ত্রণ বিভাগ
(ভোকেশনাল শাখা)
আগারগাঁও, শেরেবাংলা নগর, ঢাকা-১২০৭।

স্মারক নং ৫৭.১৭.০০০০.৩০৩.৯৯.৩০৯.২৫-০৪

তারিখ: ২৬ আগস্ট, ২০২৫ খ্রিঃ


বিজ্ঞপ্তি

বাংলাদেশ কারিগরি শিক্ষা বোর্ড পরিচালিত এসএসসি (ভোকেশনাল) ও দাখিল (ভোকেশনাল) নবম শ্রেণি সমাপনী পরীক্ষার প্রশ্নপত্র অনলাইনে প্রেরণের উদ্যোগ গ্রহণ করা হয়েছে। এসএসসি (ভোকেশনাল) ও দাখিল (ভোকেশনাল) শিক্ষাক্রমের কেন্দ্রসমূহকে নিম্নোক্ত শর্তসমূহের আগামী ৩০ সেপ্টেম্বর, ২০২৫ তারিখের মধ্যে ব্যবস্থা গ্রহণ করতে হবে।

১. পরীক্ষা শুরুর পূর্বে ৩০ মিনিটের মধ্যে কেন্দ্রে প্রশ্ন ডাউনলোড করে প্রিন্ট করার ব্যবস্থা থাকতে হবে (একাধিক প্রিন্টার/ফটোকপিয়ার মেশিন থাকতে হবে);
২. বিকল্প বিদ্যুৎ ব্যবস্থা থাকতে হবে (জেনারেটর ক্রয়/ভাড়া নিশ্চিত করতে হবে);
৩. ইন্টারনেট সংযোগ ব্যবস্থা থাকতে হবে (ব্রডব্যান্ড লাইন);
৪. যে কক্ষে প্রশ্ন ডাউনলোড ও প্রিন্ট করা হবে সে কক্ষে ক্লোজ সার্কিট (CC) ক্যামেরা সংযোগ থাকতে হবে;
৫. পরীক্ষা পরিচালনা সংক্রান্ত নীতিমালা ২০১২ অনুসারে কেন্দ্র নির্বাচিত হওয়ার শর্তাবলী (ধারা ২৮ এর (ক)) কঠোর ভাবে পালন করতে হবে।

যে সকল কেন্দ্র উপরোক্ত শর্তাবলী পালন করতে পারবে না অর্থাৎ এসএসসি (ভোকেশনাল) ও দাখিল (ভোকেশনাল) নবম শ্রেণি সমাপনী পরীক্ষার প্রশ্নপত্র অনলাইনে পরীক্ষা শুরুর ৩০ মিনিট পূর্বে ডাউনলোড ও প্রিন্ট করে পরীক্ষা গ্রহণ করতে পারবে না সে সকল কেন্দ্রকে আগামী ৩০ সেপ্টেম্বর ২০২৫ তারিখের মধ্যে বোর্ডের পরীক্ষা নিয়ন্ত্রণ বিভাগের ভোকেশনাল শাখাকে লিখিতভাবে অবহিত করতে হবে।


বিষয়টি অতীব জরুরী।


(প্রকৌশলী মোঃ আবুল কালাম আজাদ)
পরীক্ষা নিয়ন্ত্রক
বাংলাদেশ কারিগরি শিক্ষা, বোর্ড, ঢাকা
ফোন: ০২-৫৫০০৬৫২৫
তারিখ: ২৬ আগস্ট, ২০২৫ খ্রিঃ

স্মারক নং ৫৭.১৭.০০০০.৩০৩.৯৯.৩০৯.২৫-০৪(১২)

সদয় অবগতি ও প্রয়োজনীয় ব্যবস্থা গ্রহণের নিমিত্ত অনুলিপি প্রেরণ করা হল (জ্যেষ্ঠতার ভিত্তিতে নয়):

- ১) সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা-১০০০।
- ২) মহা-পরিচালক, কারিগরি শিক্ষা অধিদপ্তর, আগারগাঁও প্রশাসনিক এলাকা, ঢাকা।
- ৩) মহা-পরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ১৬ আবদুল গনি সড়ক, ঢাকা।
- ৪) মহা-পরিচালক, বস্ত্র অধিদপ্তর, কাওরান বাজার, ঢাকা।
- ৫) বিভাগীয় প্রধান (সকল), বাংলাদেশ কারিগরি শিক্ষা বোর্ড, ঢাকা।
- ৬) জেলা প্রশাসক (সকল জেলা)।
- ৭) আঞ্চলিক পরিচালক (ঢাকা, চট্টগ্রাম, রাজশাহী, খুলনা, রংপুর, বরিশাল, ময়মনসিংহ ও সিলেট অঞ্চল), কারিগরি শিক্ষা অধিদপ্তর।
- ৮) উপজেলা নির্বাহী কর্মকর্তা (সকল উপজেলা)।
- ৯) সিস্টেম এনালিস্ট, কম্পিউটার সেল, বাংলাদেশ কারিগরি শিক্ষা বোর্ড (বোর্ডের ওয়েবসাইটে দেওয়ার অনুরোধসহ)।
- ১০) অধ্যক্ষ/সুপারিনটেনডেন্ট/প্রধান শিক্ষক/কেন্দ্র সচিব,
- ১১) চেয়ারম্যান মহোদয়ের ব্যক্তিগত কর্মকর্তা, চেয়ারম্যানের দপ্তর, বাংলাদেশ কারিগরি শিক্ষা বোর্ড।
- ১২) সংশ্লিষ্ট নথি।


(প্রকৌশলী জাকারিয়া আব্বাসী)
উপ-পরীক্ষা নিয়ন্ত্রক (ভোকেশনাল)
ফোন: ০২-৫৫০০৬৫২৭ (অফিস)

- (চ) ফল পরিবর্তন হোক বা না হোক নির্ধারিত মোবাইল নম্বরে (SMS করার সময় যে নম্বর দিবে) SMS পাঠানো হবে। কোন চিঠি দেওয়া হবে না।
- (ছ) পরিবর্তিত বা অপরিবর্তিত ফলাফল উভয়ই পৃথক পৃথক তালিকায় কারিগরি শিক্ষা বোর্ডের ওয়েব সাইটে প্রকাশ করা হবে।

২৭। রেকর্ডপত্র সংরক্ষণ :

- (ক) পরীক্ষার্থীদের EIF এর হার্ড কপি, স্বাক্ষরলিপি, মূল উত্তরপত্র, ব্যবহারিক নম্বরের হার্ড কপি ও পরীক্ষা সংক্রান্ত যাবতীয় নথি পরীক্ষার ফল প্রকাশের পর হতে সর্বোচ্চ ৬ (ছয়) মাস পর্যন্ত সংরক্ষণ করতে হবে।
- (খ) উত্তরপত্র পুনঃনিরীক্ষণের ক্ষেত্রে ফল প্রকাশের পর ৩ (তিন) মাস পর্যন্ত পুনঃনিরীক্ষিত উত্তরপত্র সংরক্ষণ করতে হবে।
- (গ) পুনঃনিরীক্ষিত টেবুলেশন বই মূল রেকর্ড বই হিসাবে স্থায়ীভাবে সংরক্ষিত থাকবে।

২৮। কেন্দ্র নির্বাচন :

পরীক্ষা সুষ্ঠুভাবে অনুষ্ঠানের জন্য কেন্দ্র নির্বাচন একটি গুরুত্বপূর্ণ বিষয়। এক্ষেত্রে স্থানীয় প্রশাসনিক সুবিধার দিকটি সর্বোপরি বিবেচনায় আনতে হবে। স্থানীয় প্রশাসনের সুপারিশের ভিত্তিতেই পরীক্ষা নিয়ন্ত্রকের কার্যালয় হতে কেন্দ্র নির্বাচনের চূড়ান্ত তালিকা প্রকাশ করা হবে।

কেন্দ্র নির্বাচিত হওয়ার শর্তাবলি

কোন শিক্ষা প্রতিষ্ঠানকে কেন্দ্র নির্বাচিত হওয়ার জন্য নিম্নোক্ত শর্তাবলি পূরণ করতে হবে :

১. সরকারি শিক্ষা প্রতিষ্ঠানকে কেন্দ্র নির্বাচনের অগ্রাধিকার দিতে হবে।
২. প্রস্তাবিত কেন্দ্রে স্কুল পর্যায় ন্যূনতম ১০ জন এবং কলেজ পর্যায়ে ন্যূনতম ১৫ জন শিক্ষক থাকতে হবে।
৩. প্রস্তাবিত কেন্দ্রে পরীক্ষার্থীর সম্ভাব্য সংখ্যা কমপক্ষে ১০০ জন হতে হবে (তবে হাওড়-বাগড়, দুর্গম এলাকা ক্ষেত্রে এর ব্যতিক্রম হতে পারে)।
৪. শিক্ষা প্রতিষ্ঠানটি অবশ্যই বাংলাদেশ কারিগরি শিক্ষা বোর্ডের সংশ্লিষ্ট শিক্ষাক্রমের জন্য অনুমতিপ্রাপ্ত হতে হবে।
৫. শিক্ষা প্রতিষ্ঠানের অবকাঠামো ভাল থাকতে হবে। প্রস্তাবিত কেন্দ্রে পরীক্ষা নিয়ন্ত্রণ কক্ষ পাকা হতে হবে।
৬. শিক্ষা প্রতিষ্ঠান প্রাচীর ঘেরা থাকতে হবে। প্রস্তাবিত কেন্দ্রে প্রয়োজনীয় স্যানিটারি, ওয়াশরুম ও বিদ্যুৎব্যবস্থা থাকতে হবে।
৭. প্রস্তাবিত কেন্দ্রের ধারণ ক্ষমতা ন্যূনতম ৩০০ হতে হবে (তবে হাওড়-বাগড়, দুর্গম এলাকা ক্ষেত্রে এর ব্যতিক্রম হতে পারে প্রস্তাবিত কেন্দ্রে)।
৮. শিক্ষা প্রতিষ্ঠানের নিরাপত্তা ব্যবস্থা ভাল থাকতে হবে। প্রস্তাবিত কেন্দ্রের নিকটতম দূরত্বের মধ্যে থানা, পুলিশ ফাঁড়ি বা ব্যাংক থাকতে হবে এবং কেন্দ্র থেকে থানা, পুলিশ ফাঁড়ি বা বাংকের যাতায়াত সহজতর ও স্বল্পসময়ের মধ্যে হতে হবে।
৯. বোর্ড নির্ধারিত ফরমে জেলা প্রশাসক/উপজেলা নির্বাহী অফিসার কর্তৃক সুস্পষ্ট মতামতসহ পরিদর্শন প্রতিবেদন থাকতে হবে।
১০. কেন্দ্র নির্বাচিত হলে এর অধীনস্থ অন্যান্য শিক্ষা প্রতিষ্ঠান ও স্থানীয় প্রশাসনের কার্যালয় হতে কেন্দ্রে যাতায়াতের সুবিধা থাকতে হবে।
১১. জেলা প্রশাসক এর মাধ্যমে আবেদন করতে হবে।
১২. কেন্দ্রাধীন সকল শিক্ষা প্রতিষ্ঠানের পরীক্ষার্থীদের আসন সংখ্যা এই প্রতিষ্ঠানে সংকুলানের নিশ্চয়তা থাকতে হবে।
১৩. ব্যবহারিক পরীক্ষা অনুষ্ঠানের প্রয়োজনীয় যন্ত্রপাতি থাকতে হবে। প্রস্তাবিত কেন্দ্রে ২০টি কম্পিউটারসহ একটি কম্পিউটার ল্যাব থাকতে হবে।
১৪. শিক্ষা প্রতিষ্ঠান কোন বিষয়ে মামলা-মোকাদ্দমায় জড়িত থাকবে না।
১৫. উপজেলার শিক্ষা প্রতিষ্ঠানসমূহের কেন্দ্র সংশ্লিষ্ট উপজেলা সদরে নির্বাচন করার ব্যাপারে অগ্রাধিকার দিতে হবে।
১৬. প্রস্তাবিত কেন্দ্রে অবশ্যই ইন্টারনেটের সংযোগসহ প্রশিক্ষণপ্রাপ্ত দক্ষ ব্যবহারকারী থাকতে হবে।

(খ) কেন্দ্রের জন্য আবেদনের নিয়মাবলী

- (১) কেন্দ্র নির্বাচিত হওয়ার জন্য উপজেলা নির্বাহী অফিসার ও জেলা প্রশাসকের সুনির্দিষ্ট সুপারিশসহ (প্রস্তাবিত নতুন কেন্দ্রের আবেদনের সঙ্গে বোর্ড কর্তৃক নির্ধারিত তথ্যাদি সম্বলিত ফরম পুরন পূর্বক জেলা প্রশাসক/ উপজেলা নির্বাহী কর্মকর্তার পরিদর্শন প্রতিবেদন সংযোজনসহ) আবেদন করতে হবে।
- (২) পরীক্ষা অনুষ্ঠিত হওয়ার কমপক্ষে ৬ (ছয়) মাস পূর্বে পরীক্ষা নিয়ন্ত্রকের বরাবর আবেদন করতে হবে।
- (৩) উপজেলাধীন শিক্ষা প্রতিষ্ঠানের জন্য সংশ্লিষ্ট উপজেলা নির্বাহী অফিসার কেন্দ্র নির্বাচনের জন্য সুপারিশ জেলা প্রশাসকের নিকট পেশ করবেন। জেলা প্রশাসক তাঁর অধীনস্থ সকল উপজেলা অফিসারের সুপারিশ যাচাই করে সুপারিশসহ কারিগরি শিক্ষা বোর্ডে প্রেরণ করবেন।
- (৪) জেলা সদরে অবস্থিত শিক্ষা প্রতিষ্ঠানসমূহের জন্য সংশ্লিষ্ট জেলা প্রশাসক কেন্দ্র নির্বাচনের সুপারিশ করবেন এবং তাঁর সুপারিশের ভিত্তিতে কারিগরি শিক্ষা বোর্ডের পরীক্ষা নিয়ন্ত্রক চূড়ান্তভাবে নির্বাচিত কেন্দ্রের তালিকা প্রকাশ করবেন।

(গ) নির্বাচিত কেন্দ্রের ভারপ্রাপ্ত কর্মকর্তার দায়বদ্ধতা

- (১) কারিগরি শিক্ষা বোর্ড হতে ট্রেজারী/থানায়/ব্যাংকে নিরাপত্তা হেফাজতে প্রেরিত প্রশ্নপত্রের বিষয় ও সংখ্যা পরীক্ষা আরম্ভ হওয়ার পূর্বেই চাহিদার সাথে মিলিয়ে নিশ্চিত হবেন।
- (২) পরীক্ষা সংক্রান্ত যাবতীয় কাগজপত্র কারিগরি শিক্ষা বোর্ড হতে সংগ্রহ করবেন।
- (৩) কেন্দ্রাধীন সকল শিক্ষা প্রতিষ্ঠানের প্রবেশপত্র কারিগরি শিক্ষা বোর্ড হতে সংগ্রহ করে পরীক্ষার পূর্বেই সংশ্লিষ্ট সকল শিক্ষা প্রতিষ্ঠানে পৌঁছে দিবেন।
- (৪) প্রবেশপত্র সংক্রান্ত যাবতীয় জটিলতা কারিগরি শিক্ষা বোর্ডের সাথে যোগাযোগ করে নিরসন করবেন।